

Jeanroy

I.

Quan lo rossinhols el folhos
Dona d'amor e-n quier e-n pren
E mou son chan jauzent joyos
E remira sa par soven
E-l riu son clar e-l prat son gen
Pel novel deport que renha,
Mi ven al cor grans joys jazer.

II.

D'un? amistat suy enveyos,
Quar no sai joya plus valen,
C?or e dezir, que bona-m fos
Si-m fazia d'amor prezen,
Que-l cors a gras, delgat e gen
E ses ren que-y descovenha,
E s'amors bon? ab bon saber.

III.

D'aquest? amor suy cossiros
Vellan e pueys somphan dormen,
Quar lai ay joy meravelhos,
Per qu?ieu la jau jauzitz jauzen;
Mas sa beutatz no-m val nien,
Quar nulhs amicx no m?essenha
Cum ja n?aia bon saber.

IV.

D'aquest? amor suy tan cochos
Que quant ieu vau ves lieys corren
Vejaire m?es qu'a reüsos
M?en torn e qu?ela-s n?an fugen;
E mos cavals i vai tan len
Greu er qu?oimais i atenha
S?Amors no la-m fai remaner.

V.

Amors, alegres part de vos
Per so quar vau mo mielhs queren,
E suy en tant aventuros
Qu?enqueras n?ay mon cor jauzen,
La merce de mon bon guiren
Que-m vol e m?apell? e-m denha

E m?a tornat en bon esper.

VI.

E qui sai rema deleytos

E Dieu non siec en Belleen

Non sai, cum sia jamais pros

Ni cum ja venh? a guerimen,

Qu?ieu sai e crei, mon escien,

Que selh qui Jhesus ensenha

Segur? escola pot tener.

- letto 377 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/jeanroy-15>